

All in for Kids

Lub Khoos Kas CLTS Tsev Neeg Tsab Ntawv Xov Xwm

All in for Kids (Tag Nrho Rau Me Nyuam): Lub Khoos Kas CLTS yog ib tsab ntawv xov xwm uas pab kom koj thiab koj tsev neeg paub txog cov kev txhawb nqa thiab cov kev pab cuam muaj los ntawm Lub Khoos Kas CLTS. Tsab ntawv xov xwm yog sau tawm los ntawm Wisconsin Department of Health Services (Lub Tuam Tsev Hauj Lwm ntsig txog Cov Kev Pab Cuam Kev Noj Qab Haus Huv) (DHS).



Yuav muaj sai-sai no: Phau Ntawv Qhia rau Cov Neeg Tuaj Koom Lub Khoos Kas CLTS thiab Tsev Neeg phau tshiab!

(Coming soon: The new CLTS Program Participant and Family Handbook!)

Peb zoo siab los qhia qee qhov xov xwm loj: phau Ntawv Qhia rau Cov Neeg Tuaj Koom Lub Khoos Kas CLTS thiab Tsev Neeg phau tshiab tab tom yuav tiav sai-sai no lawm! Peb tab tom tsim phau ntawv qhia no los txhawb koj tus me nyuam thiab tsev neeg.

Txawm hais tias koj yuav xav paub txog cov kev txhawb nqa thiab cov kev pab cuam twg uas tuaj yeem pab koj tus me nyuam ua tau raws li lawv cov hom phiaj, leej twg tuaj yeem yog ib feem ntawm koj pab pawg ntawm Lub Khoos Kas CLTS, los sis yuav pab koj tus me nyuam li cas los ntawm kev hloov pauv lub neej, phau ntawv qhia no yuav pab teb koj cov lus nug thiab qhia koj txog Lub Khoos Kas CLTS.

H

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Phau ntawv qhia yuav ua tiav nyob rau sai-sai no lawm, thiab peb zoo siab rau koj los tshawb nrhiav txog nws. Peb yuav xa ib daim ntawv theej tuaj rau koj tsev neeg thiab tuaj yeem nkag cuag tau hauv oos lais. Nws tsuas yog ib txoj hauv kev los xyuas kom paub tseeb tias cov tsev neeg xws li koj tsev neeg cov ntaub ntawv thiab kev txhawb nqa uas lawv xav tau.

Los peb sib pab ua kom koj tus me nyuam muaj kev vam meej thiab ua lub neej zoo tshaj plaws nrog kev txhawb nqa ntawm Lub Khoos Kas CLTS! ❖

Ua kom koj lub tsev muaj kev nyab xeeb dua thiab nkag cuag tau yooj yim dua rau koj tus me nyuam

Lub Khoos Kas CLTS muaj ntau yam kev pab cuam los pab koj tus me nyuam kom nyob nyab xeeb, muaj kev noj qab nyob zoo, thiab loj hlob yam muaj kev ywj pheej ntau dua. Ib qho kev pab cuam uas tuaj yeem tsim tau qhov sib txawv loj yog kev hloov kho hauv tsev. Qhov kev pab cuam no pab ua cov kev hloov pauv rau koj lub tsev txhawm rau kom koj tus me nyuam tuaj yeem txav mus los yooj yim thiab muaj kev nyab xeeb dua qub.

Cov kev hloov hauv tsev yog dab tsi?

Cov kev hloov pauv hauv tsev yog kev hloov pauv rau hauv koj lub tsev txhawm rau kom koj tus me nyuam tuaj yeem nkag mus thiab tawm, txav mus los ntawm ib chav rau ib chav, thiab siv cov khoom siv uas lawv xav tau kom muaj kev yooj yim dua thiab muaj kev nyab xeeb dua. Cov kev hloov pauv no tuaj yeem suav nrog:

- **Daim txiag thaiv tus ntaiv:** Pab koj tus me nyuam nkag los sis tawm hauv tsev tau yam yooj yim.
- **Lub liv swb nqis:** Pab koj tus me nyuam mus rau txhua tshooj tsev hauv koj lub tsev kom muaj kev nyab xeeb.
- **Cov tes qhov rooj:** Pab kom koj tus me nyuam qhib qhov rooj tau yooj yim nrog cov tes tuav ntawm lub qhov rooj.
- **Kev hloov pauv qhov chaw da dej:** Pab koj tus me nyuam da dej kom nyab xeeb dua qub.

Tej yam tseem ceeb uas yuav tau xav txog

Yog tias xav hloov pauv tsev los ntawm Lub Khoos Kas CLTS, lawv yuav tsum tau pab ncaj qha rau kev txav mus los-los sis kev nyab xeeb ntawm kev xav tau tshwj xeeb rau koj tus me nyuam qhov kev xiam oob qhab. Cov kev pab cuam yuav tsis them rau cov khoom los sis kev hloov kho tshiab uas siv los ntawm koj tsev neeg tag nrho, los sis kev txhim kho uas tshuav kho kom zoo nkauj nkaus xwb. Tsis tas li ntawd, cov kev hloov pauv yuav tsum muaj txiaj ntsig kom tsim nyog nrog tus

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

nqi. Ib lub koom haum saib xyuas kev nyob ywj pheej hauv tsev tuaj yeem yog ib feem ntawm qhov kev pab cuam no. Hauv cov xwm txheej no, tus kws ntsuam xyuas kev nyob ywj pheej yuav tuaj xyuas koj lub tsev kom pom tias muaj kev hloov pauv dab tsi tuaj yeem pab tau koj tus me nyuam kom xis nyob thiab nyob yam muaj kev nyab xeeb dua.

Yog tias koj xav tias qhov kev pab cuam no muaj txiaj ntsig rau koj tus me nyuam, ces tham nrog koj support and service coordinator (tus neeg lis hauj lwm txhawb nqa thiab pab cuam) (SSC). Lawv tuaj yeem pab koj nkag siab txog koj cov kev xaiv thiab cov kev hloov pauv tsev tuaj yeem yog ib feem ntawm koj Individual Service Plan (Txoj Phiaj Xwm Pab Cuam Ib Tug Zuj Zus) (ISP) li cas. ❖

Nyob kom hnov xov tas li: Kawm paub txog seb yuav tso npe li cas rau hauv Lub Khoos Kas CLTS

Koj puas paub tias koj tuaj yeem nrhiav tau cov ntaub ntawv yooj yim hais txog Lub Khoos Kas CLTS los ntawm koj lub khoos phis tawj los sis xov tooj? DHS tau tsim ib qho cuab yeej oos lais los pab cov tsev neeg kom tau txais cov ntaub ntawv tso npe hais txog Lub Khoos Kas CLTS. Mus saib lub vev xaib: dhs.wi.gov/clts/enrollment-dashboard.htm.

Cov ntuab ntawv no tuaj yeem pab koj tau:

- **Saib seb muaj tsawg tus me nyuam nyob hauv Lub Khoos Kas CLTS:** Koj tuaj yeem tshawb xyuas seb muaj pes tsawg tus me nyuam tso npe nyob rau tam sim no, tsis hais yuav yog tag nrho lub xeev los sis hauv koj lub cheeb tsam nroog tshwj xeeb.
- **Nrhiav seb nws yuav siv sij hawm ntev npaum li cas los tso npe:** Paub txog ncuaj sij hawm hauv kev tso npe koj tus me nyuam hauv Lub Khoos Kas CLTS uas saib raws li koj qhov chaw nyob. ❖

Koj tuaj yeem rov hais dua cov kev txiav txim siab ntawm Lub Khoos Kas CLTS

Kev muaj qhov tswv yim sib txawv yog muaj nyob rau qee lub sij hawm xam tias yog ib qhov sib txwv. Yog tias koj tsis pom zoo nrog qhov kev txiav txim siab txog koj tus me nyuam txoj kev txhawb nqa los sis kev pab cuam hauv Lub Khoos Kas CLTS, lawv qhov kev tsim nyog, los sis tus kws muab kev pab cuam kho mob uas xaiv, koj muaj cai thov rov txiav txim dua. Qhov no txhais tau hais tias koj tuaj yeem thov kev txiav txim siab los ntawm tus kws txiav txim plaub ntug.

Txhawm rau los pib qhov kev lis rov hais dua, koj tuaj yeem:

1. **Xa daim foos ntawv thov los sis sau ib tsab ntawv:** Koj tuaj yeem sau daim foos ntawv thov kev hais plaub los sis sau tsab ntawv piav qhia tias yog vim li cas koj thiaj li tsis pom zoo rau qhov kev txiav txim siab.

KOJ PUAS

PAUB?

Cov peev txheej no ua rau koj muaj kev hloov kho tshiab thiab nkag siab zoo dua qub rau lub khoos kas ua hauj lwm hauv koj cheeb tsam. Yog tias koj xav kawm paub ntau ntxiv, ces mus saib lub vev xaib: dhs.wi.gov/clts/enrollment-dashboard.htm



Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

2. **Xa koj qhov kev thov rau Division of Hearings and Appeals (Feem Hauj Lwm Saib Xyuas Kev Hais Plaub thiab Kev Rov Txiaiv Txim Dua):** Xa koj daim foos los sis tsab ntawv mus rau qhov chaw nyob no: Division of Hearings and Appeals P.O. Box 7875 Madison, WI 53707-7875.

Yog xav paub ntau ntxiv los sis tshawb nrhiav daim foos, mus saib: doa.wi.gov/RequestAHearing.

Nws yog ib qho tseem ceeb kom paub tias kev thov kom rov hais dua tsis yog ib qho tsis zoo. Nws tsuas yog ib txoj hauv kev los ua hauj lwm los ua qhov sib txawv thiab xyuas kom paub tseeb tias koj tus me nyuam cov kev xav tau raug txiaiv txim siab raug txhij txhua lawm. Txoj kev thov rov txiaiv txim dua nyob ntawm no los txhawb koj yog tias koj xav tias qhov kev txiaiv txim siab txog koj tus me nyuam txoj kev txhawb nqa thiab kev pab cuam tsis raug rau koj qhov xwm txheej. ❖

Pab tsev neeg txhawb nqa lub hom phiaj ntawm kev ntiav hauj lwm nrog Think Ability Wisconsin

Thaum koj tus me nyuam loj hlob tuaj, kev nrhiav hauj lwm ua tuaj yeem yog kauj ruam tseem ceeb rau kev ywj pheej thiab kev ntseeg siab. Txhawm rau pab koj ntawm txoj kev no, peb zoo siab los qhia cov muab kev pab cuam tshiab: Think Ability Wisconsin. Cov cuab yeej no pab cov tsev neeg uas muaj cov tub ntxhais hluas uas tab tom npaj nyob ze rau kev nrhiav hauj lwm ua, muab kev taw qhia thiab kev txhawb nqa uas xav tau kom ua tiav cov hom phiaj hauv kev ua hauj lwm.

Think Ability Wisconsin yog dab tsi?

Think Ability Wisconsin yog tau tsim los ntawm Down Syndrome Association of Wisconsin los txhawb cov tsev neeg uas muaj cov hluas uas muaj kev xiam oob qhab. Txawm hais tias koj tus me nyuam tab tom pib xav txog kev ua hauj lwm los sis tab tom nrhiav hauj lwm ua, Think Ability Wisconsin tuaj yeem pab koj nrog kev sib txuas, cov chaw muab kev pab cuam, thiab kev txhawb nqa.

Think Ability Wisconsin cov yam ntxwv:

- **Cov neeg tsav xyuas:** Tiv tauj hauv xov tooj Hnub Monday txog Hnub Friday, 8 teev sawv ntxov txog 5 teev yuav tsaus ntuj. Cov kws tshaj lij uas muaj kev paub no tuaj yeem pab txuas tsev neeg mus rau cov chaw muab kev pab cuam hauv zos, xws li koj tus me nyuam tus neeg lis hauj lwm hloov pauv hauv tsev kawm ntawv los sis lub chaw hauj lwm Division of Vocational Rehabilitation (Feem Hauj Lwm Saib Xyuas Kev Rov Tsim Feb Meej Los) (DVR) hauv zos.
- **Pob Cuab Yeej:** Rub tawm thiab siv cov chaw muab kev pab cuam uas muaj nyob hauv Think Ability Wisconsin lub vev xaib kom nkag siab zoo txog kev xaiv ua hauj lwm thiab cov kauj ruam. Muaj cov phaum rau xaiv rau cov tsev neeg thiab cov neeg txhawb nqa tus kheej.

POB CUAB YEEJ COV CHAW MUAJ KEV PAB

**Think Ability Wisconsin Pob
Cuab Yeej Muab Kev Pab**



Rau Cov Tsev Neeg



**Rau Cov Kws Pab Tswv
Yim Txog Tus Kheej**

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

- **Txuas nrog cov tswv hauj lwm:** Think Ability cov neeg ua hauj lwm uas ua hauj lwm ncaj qha nrog cov lag luam thooob plaws Wisconsin los txhawb kom lawv ntiav cov neeg xiam oob khab, txhawm rau los pab qhov khoob ntawm cov neeg nrhiav hauj lwm thiab cov tswv ntiav hauj lwm.
- **Cov ntaub ntawv ntawm kev khwv tau nyiaj thiab kev txuag:** Think Ability Wisconsin lub vev xaib tseem muab cov ntsiab lus hais txog yuav ua li cas kev khwv tau nyiaj thiaj tuaj yeem cuam tshuam rau pej xeem cov txiaj ntsig thiab muab cov lus qhia txog kev txuag nyiaj tshwj xeeb tsim tshwj xeeb rau cov neeg xiam oob qhab. Mus saib nplooj vev xaib ntawm thinkabilitywi.org/s/article/Keeping-Your-Public-Benefits-While-Working.



Npaj txhij los kawm paub ntau ntxiv?

Yog xav paub ntau ntxiv, ces mus saib Think Ability Wisconsin lub vev xaib ntawm thinkabilitywi.org, los sis hu rau Think Ability tus qhia kev ntawm 888-695-2030. ❖

Tam sim no muaj muab pab cuam lawm! Tuaj yeem nkag cuag tau hauv oos lais lawm rau Katie Beckett Medicaid cov ntaub ntawv rau tsev neeg

Kev nkag cuag tau hauv oos lais tshiab rau koj tus me nyuam cov txiaj ntsig

Yog tias koj tus me nyuam tau tso npe rau hauv Katie Beckett Medicaid, tam sim no koj tuaj yeem siv Wisconsin lub vev xaib ACCESS ruaj ntseg rau:

- Thov txais Katie Beckett Medicaid cov txiaj ntsig tau yooj yim dua.
- Nkag mus rau lawv cov ntaub ntawv txiaj ntsig oos lais.
- Saib cov hnuv uas rov ua dua tshiab los pab npaj ua ntej.
- Rub nkag cov ntaub ntawv oos lais es tsis txhob siv lub chaw xa ntawv.
- Nrhiav cov khoos kas thiab lwm yam kev txhawb nq auas muaj txiaj ntsig.

KAWM PAUB NTAU NTXIV

Katie Beckett Medicaid yog dab tsi?

Katie Beckett Medicaid pab cov me nyuam yaus uas muaj teeb meem fab kev kho mob, kev xiam oob qhab, los sis kev puas siab puas ntsws xav kom tau txais kev saib xyuas hauv tsev es tsis yog hauv tsev kho mob. Cov me nyuam yaus tuaj yeem tsim nyog txawm tias lawv tsev neeg cov nyiaj khwv tau los siab dhau rau lwm qhov kev pab cuam Medicaid los sis yog lawv twb muaj kev tuav pov hwm ntiag tug lawm los xij.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.



Teeb ib tus as khauj ACCESS

Yog tias xav siv Wisconsin ACCESS lub vev xaib ruaj ntseg, koj yuav tsum tau teeb ibbb tug as khauj. Nov yog qhov qhia seb ua li cas:

1. Mus rau access.wi.gov thiab nias “Create an Account (Tsim ib Tus As Khauj).”
2. Sau koj lub npe thiab lub xeem rau.
3. Xaiv tus neeg siv tus ID thiab tus phav xab vawj kom muaj kev ruaj ntseg kom koj tus as khauj muaj kev nyab xeeb.
4. Teeb qee cov lus nug txog kev ruaj ntseg thiab cov lus teb rau kev tiv thaiv ntxiv.

Cov kev hloov kho tshiab no rau Katie Beckett Medicaid ua kom yooj yim rau cov tsev neeg nkag cuag tau thiab tswj lawv cov txiaj ntsig. Peb zoo siab rau qhov kev txhim kho no thiab yuav qhia rau koj paub txog txhua kauj ruam. ❖

Tsev neeg qhov zoo: Kev taug kev deb ntawm tsev neeg Schaefer nrog Lub Khoos Kas CLTS

Ntsib Schaefer tsev neeg los ntawm Cheeb Tsam Nroog Winnebago thiab lawv tus ntxhais Arwen, uas tau txais txiaj ntsig los ntawm Lub Khoos Kas CLTS. Tsev neeg mob siab los txhawb nqa Arwen hauv nws txoj kev loj hlob thiab kev ntseeg siab.

Nrog kev pab los ntawm lawv cov SSC, Arwen tab tom ua kom muaj kev vam meej hauv ntau seem xws li kev tawm tswv yim rau tus kheej, cov kev txawj ntse, thiab kev loj hlob ntawm lub hlwb kev xav.

Ib qho tseem ceeb yog Arwen lub hwv tsam rau kev kawm ua luam dej ywj pheej ntawm YMCA. Arwen kuj tseem tau txais cov khoom xav tau uas pab nrog kev ua hauj lwm thiab kev coj cwj pwm, ua rau muaj qhov sib txawv loj hauv nws lub neej txhua hnuv.

Tes dej num uas lawv nyiam yog dab tsi? Caij nees. Nws tsev neeg tau hais tias “Arwen dhau los ua ib tus ntxhais muaj kev zoo siab thiab ntseeg siab thaum nws nyob nrog cov nees”.

Schaefer tsev neeg ua tsaug ntau rau Lub Khoos Kas CLTS. Lawv tau qhia tias “Peb ua tsaug thiab xav tsis thoob hais tias txoj kev no pab Arwen vam meej raws li ib tug neeg tiag-tiag lawm”. ❖



Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Lub Khoos Kas CLTS xav tau koj tsev neeg cov dab neeg thiab cov duab!


All in for Kids (Tag Nrho Rau Me Nyuam) tsab ntawv xov xwm yog rau tsev neeg. Peb xav nthuav qhia txog koj cov duab thiab cov kev ntsib nrog dhau los rau lwm tus neeg tau nyem kom muaj kev lom zem nrog! Koj tuaj yeem faib lwm yam xws li:

- Muaj kev cuam tshuam zoo nrog Lub Khoos Kas CLTS.
- Ib qho piv txwv ntawm Lub Khoos Kas CLTS tau pab koj tsev neeg los sis tus me nyuam li cas.
- Ib daim duab los sis ib zaj dab neeg txog ib qho kev uas koj tau ua nrog koj tus me nyuam.
- Ib daim duab ntawm ib yam zoo nkauj los sis lwm yam uas koj tus me nyuam tau ua.

Xa koj zaj dab neeg ntawm koj lub tsev neeg los sis daim duab hauv email mus rau dhsclts@wisconsin.gov nrog "All in For Kids" (Tag Nrho Rau Me Nyuam) rau ntawm kab teev lus qhia. Koj kuj tseem tuaj yeem xa cov tswv yim rau cov zaj dab neeg uas koj xav nyem hauv tsab ntawv xov xwm. Peb npaj siab xav hnov ntawm koj! ❖

Cov kev pab muaj txiaj ntsig zoo rau cov tsev neeg

Cov ntaub ntawv qhia tseeb tshiab! Office of Children's Mental Health (Lub Chaw Hauj Lwm Saib Xyuas Me Nyuam Kev Puas Siab Puas Ntsws) (OCMH) tsim cov ntawv qhia tseeb txog ntau yam uas pab txhawb kev noj qab haus huv ntawm cov hluas hauv Wisconsin. Saib Supporting Kids with Disabilities (Kev Txhawb Nqa Me Nyuam Me thiab Cov Neeg Xiam Oob Qhab) daim ntawv qhia tseeb los ntawm kev luam theej duab tus zauv QR hauv qab no los sis los ntawm kev mus saib children.wi.gov/Documents/ResearchData/OCMH%20Fact%20Sheet_July%202024_Supporting%20Kids%20with%20Disabilities.pdf. ❖



Luum theej txhawm rau rub tawm

TXUAS MUS RAU COV CHAW MUAJ KEV PAB



Wisconsin Wayfinder pab txuas koj nrog cov kev pab

Feem ntau cov tsev neeg muaj cov lus nug ntau tom qab paub tias lawv tus me nyuam muaj ib los sis ntau qhov kev ncuu, kev xiam oob qhab, kev xav tau kev kho mob tshwj xeeb, los sis kev mob puas siab puas ntsws. Wisconsin muaj tsib Children's Resource Centers (Lub Chaw Muab Kev Pab Cuam Rau Cov Me Nyuam Yaus) uas mob siab rau hauv kev txhawb nqa cov tsev neeg no. Cov chaw pab tag nrho cov tsev neeg thiab cov neeg muab kev pab. Txhua lub chaw muaj cov ntaub ntawv qhia txog me nyuam yaus uas tau txais kev cob qhia txhawm rau los pab koj thiab koj tsev neeg:

- Txuas nrog cov chaw muab kev pab cuam hauv zej zog.
- Kawm hais txog thiab nrhiav cov kev txhawb nqa thiab cov kev pab cuam.
- Tau txais cov lus teb rau cov lus nug.

Koj tuaj yeem hu rau tus xov tooj hu dawb 877-WiscWay (877-947-2929) txhawm rau los tham nrog tus neeg nyob uas yuav txuas koj nrog koj cov me nyuam cov ntaub ntawv qhia.

Koj tuaj yeem nkag mus hauv oos lais ntawm dhs.wi.gov/wiscway kom paub ntau ntxiv.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntsej) § 1915(c) thiab 42 C.F.R. § 440.180.


Koom kom txais tau peb cov ntawv email

Rau npe kom tau tsab ntawv xov xwm no hauv tshuab hluav taws xob thiab lwm cov ntawv email txog Lub Khoos Kas CLTS.

1. Mus rau dhs.wi.gov/dms/ltc-email-signup.htm.
2. Swb nqis mus rau tshooj lus **Children's Long-Term Care Subscription List (Kev Saib Xyuas Kho Mob Ncuaj Sij Hawm Ntev Rau Me Nyuam Yaus Cov Ncauj Lus Ntawm Daim Ntawv Teev Txog Kev Rau Npe Tswv Cuab)**.
3. Xaiv **CLTS Information for Families and Participants (CLTS Cov Ntaub Ntawv Qhia Paub rau Cov Tsev Neeg thiab Cov Neeg Tuaj Koom Nrog)**.

Tsis txhob hnov qab qhia rau koj tsev neeg thiab cov phooj ywg hauv lub khoos kas kom sau npe nkag nrog thiab!

Cov ntawv xov xwm All in for Kids (Tag Nrho Rau Me Nyuam): Lub Khoos Kas CLTS: dhs.wi.gov/library/collection/AKids24. ❖



Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.



All in for Kids (Tag Nrho Rau Me Nyuam): Lub Khoos Kas CLTS yog ib tsab ntawv xov xwm uas tau tshaj tawm los ntawm Wisconsin Department of Health Services (Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) rau cov me nyuam yaus thiab tsev neeg hauv Lub Khoos Kas CLTS.

Lub Khoos Kas CLTS siv cov nyiaj ntawm Medicaid txhawb rau pab txhawb cov me nyuam yaus uas muaj kev tsis taus rau qee yam ntawm lub cev vim loj hlob qeeb, lub cev tsis taus, los sis puas hlwb uas nyob rau hauv tsev los sis hauv lub zos. Tej zaum yuav siv nyiaj pab txhawb rau ntau hom kev pab raws li kev ntsuas tus me nyuam thiab tsev neeg cov kev tu ncuaj tshwj xeeb thiab cov hom phiaj los sis cov xav ua tau uas paub txog. Xav paub ntxiv, mus xyuas dhs.wi.gov/children/index.htm.

Para leer este boletín en español, visite dhs.wi.gov/library/collection/AKids24. Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/AKids24.

For other languages (繁體中文, 简体中文, Deutsch, العربية, русский, 한국어, Tiếng Việt, Deutsch, မာသာၵၢၵ, Français, Polski, हिंदी, Shqip, Tagalog, Soomaali): 608-266-5508.